

Karaka, i tena ki te Kai-rehita o te Kooti o te takiwa i haere atu ai te pitihana. Ara, ka hoki mai ano kite kainga nei.

Na, ka tahuri te Kai-rehita ki te tiroiro i te pitihana ki te tuhi i tana ripoata ki te Timuaki o te Tari Maori, he whakamarama nana i nga whakahaerenga o taua take i roto i nga Kooti. He mea ano ka whai kupu atu ia mehemea e tika ana te inoi a nga kai-pitihana. He waimarie tena no te pitihana, kaore hoki e kore te whakaaetia i runga i taua ripoata pera. Na, ka kore take noa e tae ai he tangata ki te aroaro o te Komiti. Ma te Mema tonu, mehemea ia he tangata e ata tieki ana i nga mahi o tona rohe, mana e whai kupu mai ki te iwi nana te pitihana kia haere atu ki te whakahaerenga o ta ratau pitihana, katahi ka marama te haere, te whakapau hoki i te moni.

Tuatoru: Me tuku tonu to pitihana ki te Mema o tou rohe pooti, ahakoa he hoa-riri nou taua Mema, kaore ranei koe i pooti ki a ia. Ko te ture tera o nga Mema, kaore e pokanoa ki te takahi i te rohe o tetahi. Ki te tae ake he pitihana ki tetahi Mema, e kotiti ana i te mema o te rohe o nga kai-pitihana, ka tukuna atu e ia ki te Mema o te rohe, mana e kokiri. Engari he tangata nei tonu hoki te Mema ra, he whakaaro ona hei titiro i te ata whakatitahatanga i a ia o te pitihana ra. Karaka koe te kai-pitihana e rapa i te mate mou, waiho ra ma te Mema ra e koroukore mai, ka pai ai to whakataha i a ia.

Tuawha: Me whai whakaatu ki to hoa tautohe mo ta korua take, kei te haere to pitihana, kia rakei hoki ia i a ia mo ta korua pakanga. Ko te tikanga o te Komiti mo nga take tautohe, e mea ana kia noho nga taha e rua i tona aroaro, kia pakanga he kanohi ki te kanohi, ka pai ai tana whakatau. Ko te whakahaere i tetahi taha e ngaro ana, kaore e marama. Engari ia ki te marama ki te Komiti i tae he whakaatu ki tera taha, a kaore i aro ki te haere mai, katahi te Komiti ka whakahaere.

Tuarima: Ko te wa e tae ai te take ki mua i te Komiti kia pau to kaha ki te whakaatu i nga take kaha hei tautoko i to pitihana. Kua e kauwhau atu ki te Komiti i nga kauwhau tipuna, i nga momo wananga e rite ana mo nga Kooti. Me mohio hoki ko te wahi kotahi hei whiriwhiringa ma te Komiti, ko tenei kupu na, me uiui ano ranei te take nei, kaore ranei. Ko te mea e tino tirohia ana e te Komiti ko tenei, i taea ranei e te Kooti te whiriwhiri nga take a nga kai-pitihana, kaore ranei; i tinihangatia ranei nga kai-pitihana e etahi tangata raru ai, kaore ranei; i mahue tika ranei etahi tangata ki waho o te taitara o te whenua, kaore ranei; tera ano ranei he take tika i iti ai nga hea mo tetahi o te whanau tahi, kaore ranei; i mahue tika ranei etahi o nga kai-ririwhi o tetahi tupapaku, kaore ranei, he mea raweke ranei na nga tangata nana i whakawa te hea.

Mo nga momo pitihana ia penei i to Patutahi nei, i to Aorangi, i to nga whenua raupatu, hei te mema te nuinga, me te kahanga o nga whakahaere; hei a ia te titiro mo te wa tika